

孔府檔案史料選
(十)



目 錄

一、族人優免差徭·····	一
二、府廟屬官優免差徭·····	二八
三、公府仆役優免差徭·····	二八
四、船戶優免差徭·····	二〇

一、族人优免差徭

给丰县族人孔宏助执照为优免差徭事

〔寄居江南各县孔氏族人申请续修支谱（一）（一〇三五）之十二〕

太子太傅袭封衍圣公府为查覆孔族以广

皇仁以普圣泽事。据四氏学贡生孔贞俊呈称，先祖克伸于洪武年间任丰县教谕时，奉钦取到京，承袭世职。遗弟克静居丰，遵照恩例，守土建祠。世有衣冠之荣，家无赋役之累。迩来族属懦弱，豪民欺轧，恳乞查照恩例，行文优豁。等情到府。据此，覆查明白外，为照孔氏子孙流寓他处者，俱免差徭，恩例昭然。今孔宏助等寄居丰县，支流既真，谱派有据。相应照例优免民差，以普祖泽。为此合给执照，仰本户即将现在户名开报丰邑，除豁丁差，恩例优免。其地方、里甲人等，不得恃强妄编民差。本户亦须守分耕读，恪守家法，不

生事端，俱勿违错。须至出给者。右给付族人孔宏助等收执准此
顺治八年八月十七日 贞美 尚麟俱此。照阙里帑

武安县族人孔尚浩启为恳请优免差徭事

〔顺治康熙年间孔氏族入请优免差徭（一四五六）之十四〕

具启人孔尚浩系彰德府武安县族人

启为恳恩轸念苗裔俯行优恤以豁里役以光祖德事。切浩等自顺治十年蒙恩查详收录，准给奉祀生十六名，行文到县，前任赵知县遵依送学，大体周悉。有虎里李蔚天胆包身，把持勒索，竟不除免，百般苦累。浩等无奈，叩启

宗主老爷轸念寒族，咨行该府，复全优豁，恩同再造，永戴二天。连名叩启。

顺治十三年十一月初四日

准行府文

具启族人孔尚
龙从诰胤安论
奇起道心鼎兴
玉德经扬节章

安庆府潜山县申为孔胤衍等请优免圣裔新增人丁事

〔增修皖江世系孔氏支谱卷一（一〇六一）之三十一〕

江南安庆府潜山县为悬查帖札俯赐申详光扶

圣恩事。据本县孔胤衍等公呈前事词称，尼山一脉，光裕万年，山东遗流，遍诸海内。于前朝万历四十七年叨蒙

衍圣公移文，遍行天下。差监生孔贞素、舍人王明玉等文凭到县，比对阙里谱牒相同。查得一枝孔资受饶州府教授之职，流寓安庆路，复迁潜山，历代业儒。后蒙

圣公恩典，查同的确，果系尼宣之后，赍札给付承祠奉祀生员孔尚志，荫袭子孙。申文京省院道，圣公奏朝

恩诏颁行天下，但有谱帖相同者，各县在册人丁一概蠲免，不必撒派杂行差役，并免门面差徭，府县帖札可验。自崇祯年来，不意寇乱兵贼交加，府县文卷俱燬。今蒙编审，新增人丁未援旧例入册优免。切

圣裔优免，亘古如斯。谱帖相同，并无欺弊。恳乞申详援例优免，培植后裔等情。据此，查得

圣裔孔资一枝，住潜，明季以前实有二十一丁，俱经蠲免丁差。续于明末之后，户丁叠遭寇残。鼎新初定之日，止存一十二丁，亦经优免在案。第查节次编审，新增孔氏五丁，原未入册优免。

前值大造之际，即欲照例蠲免。因未奉有

宪檄，是以不便开造。兹奉清查，随奉孔胤衍等通户具呈前来，合应请乞

宪慈，垂念先圣后裔，俯将新增五丁照例入册优免。庶孔氏子孙不致与齐民等也。伏乞批示遵行。缘系详请优免圣裔人丁事理，卑县未敢擅专，理合具文申详。为此县司今备前因，另造书册具申。伏乞照详施行。须至申者。顺治十四年十月奉江南安庆府正堂张批，既系先圣后裔，仰县一例入册优免。缴。

潜邑孔毓璋等呈县为恳给批据蠲免杂差事

〔增修皖江世系孔氏支谱卷一（一〇六一）之三十二〕

具呈生员孔毓璋孔毓达等为恳赏批据永奉不刊事。生族忝叨圣裔，免役免丁。虽云旧典，幸逢

宪宗师台下间代真儒，文宣再世，加意培植，远冠前徽。更将生族田亩另提十甲之外，自行输纳，不入编氓。又蒙面谕，除正供银米附六吉里带征带解外，其签头点解值月帮费差徭保甲，概行蠲免。其恩旷逸，洙泗重光。但里役经管一年一换，未奉批示，难必仰体天心。伏乞

宪裁金批捧据，共永河山。不惟生族世世衔结，而先圣在天之灵永冥佩高厚于无疆矣。上稟。

康熙元年四月二十二日

县宪常讳文忠批，

先圣后裔历代各有特典，尊

先师也。在县免役免丁，乃奉

操抚准行下县，仰六吉里照数征收银米，完日，其一概杂差不得波及。此照。

札付开州为祀生送学作养并免差徭事

〔顺治康熙年间孔氏族人请优免差徭（一四五六）之十五〕

袭封衍圣公府为照例给札衣顶承奉

祖祀以广

皇仁以光俎豆事。照得圣裔荷蒙

历朝崇重，凡寄居他省者，悉照阙里族人，一体优异。此历来旧典，相传无异。恭遇清朝鼎兴，奉有圣庙典例，俱照前朝，期于优渥之

旨。钦遵在案。向因兵荒相继，以致奉祀乏人。今查得直隶开州寄居族人孔尚美、孔胤用，青年

尔雅，礼仪娴熟，堪补奉祀。除本府给札衣顶外，合行移会。为此合用札付前去

贵州，烦将孔尚美、孔胤用送学作养，在于

祖庙承奉祀事。其本生一应差徭，仍希照例优免。庶得供事无误。须至札付者。

计移送奉祀生

孔尚美 孔胤用

札 付
开 州

康熙十年十月初九日

袭封衍圣公

世袭博士孔衍钰等呈为恳请移文优免邹县汶上族人差徭事

〔顺治康熙年间孔氏族人请优免差徭（一四五六）之六〕

太常寺世袭博士孔衍钰

翰林院世袭五经博士孔毓琰等

国子监世袭学录孔兴荣

呈为恳 恩移咨请申成例以昭

皇恩以培 祖泽事。切照孔氏子孙自汉、唐、宋、元，历蒙崇重，不列编氓。其曲阜口邀 特恩，而流寓他处者，又令所在有司加意优恤。凡民间一应差役，俱行豁免。载在典册，昭昭可考。迨我

朝定鼎，恩遇尤隆。顺治元年，蒙抚院方题明，奉

旨，凡孔门典例，俱应相沿，期于优渥。此

朝廷崇儒重道之盛心，有加无已，振古莫及。职等念邹县为 圣祖鍾〔缺〕半蠲孔裔之粮。汶上为

圣祖试宰过化之区，特开圣泽一社。且两处设有书院讲堂并世袭翰林太常博士学录等官，世主祀事。以视流寓他〔缺〕俾。是以历代体恤，设法栽培。凡圣裔除正项钱粮之外，一概差徭，

概不派扰，遵行在案。自 国初以来，垂四十年，未有更改。盖以政体所关，比〔缺〕两年间，胥吏之奉行不善，里甲之攀扰时闻。将两县圣裔，照百姓一体编派。从前赫濯王章，弃同故纸，有负

盛代之新恩，顿坏累朝之成例。兹幸值 抚宪肃清，藩台廉明，一凡〔缺〕奖圣教，为 国家传美万世之事，罔不殷殷举行。此诚吾道亨嘉之一会。职等因敢合词公请，伏乞

□□□□仰体先德，俯怜一本，恩准移文咨请当道，将现行事例，严加〔缺〕扰害永杜。则兴朝之隆恩愈彰，而 圣祖之余泽不泯矣。上呈
袭封衍圣公府大宗主施行。

康熙貳拾壹年玖月

日具呈

国子监世袭学录孔兴荣
太常寺世袭博士孔衍钰
翰林院世袭五经博士孔毓琰

举 人 孔尚粒 孔毓荣

〔下十一人略〕

贡监生 孔尚钰 孔尚愉

〔下十二人略〕

生 员 孔衍鉴 孔尚永

〔下四十四人略〕

书致罗河督为请免族人河工事

〔康熙年间本府拟办书函稿簿（三）（六三五九）〕

一月二十五日罗河台书

岁序方新，

老亲台德威遐播，有并阳春。旭日物汇，靡不昭苏。式见 河伯效灵，漕渠永奠，上慰朝廷宵旰之怀，下舒残黎昏垫之困矣。向来黄流傍溢，致廛良筹。附近郡邑，调夫办柳，谁敢不急公期赴，以济

钦工。但下邑中犹有艰苦舆情，不得不循例吁恩仰邀

宪鉴。曲阜隶兖属东北隅，弹丸山区，编户止一十六里。砂石薄田，并无蓄柳。敝族众集居其地，每岁耕获措输赋役之余，恒不足以瞻俯仰。旧例曲邑杂差照三分未减，从无限赴何干工程。夫柳历不派及，是诚从来 各部院台重

先圣，因以恤桑梓，非他邑可较语者。业 据士民公呈具悉移文，藉郡守详请。窃恐下议代申，未敢擅定全免。伏乞

老亲台垂慈察例，俯念

先圣后裔，任土荒区俾获均口

优复之仁。 谅

老亲台御道崇儒之盛心所不靳也。敬此祈

恩附 渎，惟望 汪鉴。临启曷胜翹祝之至。

族人孔毓发等呈南宗宗主为照例优免差徭事

〔钦印乾隆朝代续修南海叠滘迁居邓冈孔氏家谱（一二一五）之一〕

优免呈

至圣六十七代孙毓发等

呈为垂念作主金批照例优免以降后裔事。发等子姓原因唐元和十二年为岭南节度使孔戮祖，惠政及民。戮祖曾孙昌弼，唐光化三年，避地依祖旧治，迁寓岭南，子孙繁茂，分居番禺、南海、顺德等处。广志谱牒现存。今幸南宗子家大人辱临祠庙，题赐省城扁额，复光顾发等叠滘房祖祠，印给衣巾相礼札付。其免夫役及一切礼仪，恳乞批示申飭，俾天南末派，知所遵守。不负大人远临至意。为此呈赴

南宗子家老爷台前，伏乞作主施行。

批

天不变，地不变，圣祖之道亦不变。普天之下，凡我子姓，建有庙宇，即有奉祀衣巾，以供祀典。差徭夫役概行优免。此系旧例，岂可旷废。该族人等即速将具呈以控当道，理